

小

畜

集

開化圖書館

Wadhwa Library

一

開化圖書館

Kaichwa library

開化圖書館

Kaishua library

開化圖書館

Kaichua library

王

黃

州

小

玄

田集

四部叢刊集部

上海涵芬樓借常熟  
瞿氏鐵琴銅劍樓藏  
宋刊配呂無黨鈔本  
景印板高營造尺七  
寸一分寬五寸三分

王黃州小畜集序



淳化二年歲在辛卯禹偁王

州團練副使

至道二年乙未歲

士黜守滁上得尚書工部

郎中明年十二月移知廣陵又明年三月

今上嗣位復以刑部郎中入西掖咸平二年守本官知齊

安郡年四十有六髮白目昏居常多病大懼沒世而名不

稱矣因閱平生所為文散失焚棄之外類而第之得三十

卷將名其集以周易筮之遇乾

乾下

之小畜

乾上

乾之象

曰君子以自強不息是禹偁修辭立誠守道行己之義也

小畜之象曰風行天上小畜君子以懿文德說者曰未能

行其施故可懿文而已是禹偁位不能行道文可以飾身

也集曰小畜不其然乎咸平三年十二月晦日太原王禹偁序

開化圖書館  
Kaihua Library

王黃州小畜集總目錄

士礼屋威

第一卷

古賦

第二卷

律賦

第三卷

古調詩

第四卷

古調詩

第五卷

古調詩

第六卷

古詩

第七卷

律詩

第八卷

律詩

第九卷

律詩

第十卷

律詩

第十一卷

開化圖書館  
Kaihua Library

第二十一卷 律詩

第十二卷

第二十二卷 詞行

第十三卷

第二十三卷 詞行

第十四卷

第二十四卷 雜文

第十五卷

第二十五卷 論

第十六卷

第二十六卷 碑記

Wakana Library

第十七卷

碑記

第十八卷

書

第十九卷

序

第二十卷

序

第二十一卷

表

第二十二卷

開化圖書館  
Kaihwa Library

表

第二十三卷

表

第二十四卷

表

第二十五卷

牋啓

第二十六卷

擬試內制五題 凡四副

第二十七卷

擬試內制五題 凡四副

第二十八卷

碑誌

第二十九卷

碑誌

第三十卷

誌碣

王黃州小畜集總目錄終

Harvard University Library

王黃州小畜集卷第一

古賦

籍田賦

園陵犬賦

大閱賦

三黜賦

固極賦

籍田賦 并序

臣謹按周制孟春之月天子親載耒耜躬耕  
籍田所以事天地山川社稷先王醴酪築盛  
于是乎取之恭之至也自周德下衰禮文殘



缺故宣王之時有虢公之諫秦皇定霸鮮克  
由禮漢祖隆興日不暇給孝景始復行焉昭  
帝弄田亦其義也後漢永平中明帝東巡耕  
于懷縣非古制焉魏氏親耕闕百官之禮蓋  
草創爾晉武太始之年略修墜典宋文元嘉  
之代亦舉舊章齊用丁亥之辰梁以建卯之  
月後魏北齊沿革有異隋朝唐室文物可觀  
太宗行之於前明皇繼之于後自茲已降廢  
而不行將煥先農必待真主皇家享國三十  
載陛下嗣統十四年武功以成文理以定乃  
下詔耕于東郊百職悅隨三農知勸禮官

博士蹈舞而草儀甸師嗇夫謠詠而供職右  
拾遺直史館王禹偁再拜而颺言曰耕籍之  
義大矣哉千畝之田三推之禮所以教諸侯  
而事上帝率人力而成歲功實邦國之彝章  
皇王之大典昔潘安仁賦之于晉岑文本頌  
之于唐今王道行矣王籍修矣神功帝業煥  
其有光宜曷頌聲以播樂府謹上籍田賦一  
章雖不足形容盛德亦小臣勤拳之至也其

詞曰

上四年兮帝業遐宣寰區晏然乃順考於古道將躬耕乎  
籍田務本勸農稽前文而備矣事神教養舉墜典以行焉

萬國歡心而懌二百官供職以虔二草儀注于有司議沿  
革于遺編築壇禪之二陞關阡陌之百塵文物聲明合禮  
經而有度旌旗衣服應方色而不愆既而屆孟春擇元日  
太史先奏天子將出是月也適人徇路星鳥中律當東郊  
之迎春是東任之平秩皇帝于是即齋宮辭帝室戒錫鸞  
嚴警蹕乘青輅以有威儼朱紘而無逸佩乎玉也懸黎之  
色蒼二載其旂焉干呂之雲鬱二屬車負播殖之器後宮  
獻種稔之實紅縻黛耜服葱牝以陸離縹輓紺轅駕蒼龍  
而飄歛太常之禮具舉司農之屬各率甸師掌舍警御陌  
以惟巖嚴封人野廬設壇宮而靡失于國之東千官景從風  
清塵而習二雨洒道以濠二時也木德盛陽氣充春芒甲

拆青二分葱春土瓜起油而溶冠蓋蔽野珮環咽  
風狀浮雲兮隨應龍旂幟張日車徒塞空若衆星兮環紫  
宮修農事以惕襲春服之重爾乃配少皞祠先農尸  
祝無媿豆邊以供太牢之牲薦之而肥脂太簇之樂奏之  
而舂容于是修帝藉勞聖躬撫御耨以無怠履游場而有  
蹤將循乎千畝之制豈止乎數步之中耕鉤盾之弄田但  
矜兒戲脩建康之春籍未煥農功有以見萬乘之尊三推  
而舍或五或九隆殺之義有倫爾公爾侯貴賤之班相亞  
嗇夫灑種以斯畢庶人終畝而告罷千耦其畊煥乎禮成  
播百穀兮率人力誦載芟兮揚頌聲將見乎餘糧棲畝腐  
粟如京神倉令納乎黍稷以備粢盛廩犧氏收其藁秸用

餉犧牲親畎畝兮化被重人天而教行自得訓農之實非  
貪慕古之名然後下青壇歸絳闕百姓知勸羣后咸謁在  
鎬之宴啓謠虞之音發獻萬壽兮懽呼奏九韶兮鏗越開  
三画以行惠宥五刑而慎罰恩流于孝弟力田德被于雕  
題辮髮興五土之利固必躬而必親同三代之風復不矜  
而不伐大矣哉藉田之禮豈三年而不為躬耕之義將百  
代而可知我所以舉久廢之禮定不利之儀慮弗勤于四  
體將有害于三時務農桑兮為政本興禮節兮崇教資民  
乃力穡歲無阻饑神農斲木之功我其申矣后稷播時之  
利我得兼之供秬鬯以斯在介豐年而有期丕顯事天之  
禮誕謌祈社之詩祀山川兮神鑒明矣配祖考兮德馨遠

而永錫純嘏用光孝思乃作頌曰倬彼東郊公田是闢大  
君戾止言耕其籍帝籍既脩乃及公戾親爾耒耜勤爾田  
疇言采黍稷祀于圓丘億萬斯年以承天休又曰倬彼東  
郊耕壇其崇大君戾止言訓其農農功既勗乃知榮辱爾  
家以給爾人以足言奉烝嘗遍于比屋億萬斯年以介景  
福

園陵犬賦

嘉彼御犬既良且馴蒙先朝之乃眷向皇宮而託身有警  
蹕以皆從無起居而不親繡組飾以煒<sub>二</sub>金鈴奮而振<sub>二</sub>  
飼以公庖彭澤之魚兮畜之土性西旅之葵兮詎得同倫  
健逐天步慵眠地茵効珍比夫異獸供命等乎適臣若乃

風暖掖庭花繁禁禦扇揆錦翼之雉籠近雪衣之女入赭  
袍兮曳尾聞霓裳兮率舞循遠乎金塘徘徊乎瑤圃睥睨  
爐烟追隨蠟炬見觀書于乙夜聽求衣于未曙既無吠乎  
投籤每風興于晡鼓莫不默識聖心潛知天語備指願以  
弗迷奉周旋而見撫第辰遊而夕嬉又安在乎逐麋而捕  
鼠彼宋從之與韓盧又安得同羣而接武者哉嗟乎事變  
入天時移今古秦皇採藥島中之士未迴軒后鍊丹湖上  
之龍已去欠舐鼎以登仙對遺弓而戀主卧錦薦兮罔安  
啗鮮食兮彌苦豐顛載減負重鉤而不勝病骨其羸求弊  
蓋于何所赫<sub>二</sub>顧命明<sub>二</sub>嗣皇念犬馬之微誠義存始卒  
徵父母之所愛深增盡傷俾守園陵之地且殊盤瓠之鄉

縻索縞以璀璨琢籠檻而熒煌仗陪鹵簿車逐輻輳鏤玄  
宮兮黠二號白日兮茫二松阡夜月柏城晷霜依六尺之  
輿已成疇昔盜一坏之土亦足隄防表終天之巨痛甘朽  
骨于龍岡狡兔盡而見烹理殊炎漢駿馬死而陪塋事類  
皇唐邈予生之介立荷太宗之維繫叨澤宮之一第玷承  
明而三入恥懷祿以不言惟報君之是急胡薄命之多屯  
顧寸功而莫集嗟白首于郎署慟梓宮而嗚悒生未得圖  
形煙閣想英衛之難追死不當賜塋長陵豈蕭曹之能揖  
異臣哉之可譎信厖也之罔及聊作賦以自傷寄毫端而  
雪泣

大閱賦

大閱之義載于春秋彼乃一國之軍旅千乘之諸侯曾未  
若天子之大閱揚神武而闡皇猷天祚有宋授禪于周太  
祖以武功戡定太宗以文德懷柔億兆人兮頌聲作四十  
載兮王澤流二后上仙貽厥孫謀一人繼統承天之休大  
舜孝思四海過密高宗諒闇三年宅憂俯順先王之喪紀  
重違百辟之勤求于是延英入閣端冕凝旒釣臺錫宴拊  
石鳴球天地同和覩來庭之鳳舞君臣相遇歌在藻之魚  
遊惟聖克念惟皇聿修方欲生擒頡利血滅蚩尤輯大勳  
而光祖考練武經而平寇讎以為天生五材孰能去其兵  
革武有七德予將整乃戈矛時也鷹隼擊虹蜺收隕穢飛  
乎原隰嘉禾斂乎田疇因農隙而順時令數軍實而修戎

政野廬設次甸師奔命御幄立而天開教場平而霜勁雷  
動風行千騎萬乘于以威八荒于以安百姓師出以律我  
所以表嚴壯之稱器不示人我所以執征伐之柄乃幸近  
甸出重城天步順動帝車啓行申軍令于偃草揭靈旗于  
畫荆赴二洸二衛社之將帥皇二濟二扈澤之公卿從龍  
雲合捧日霞生鹵簿前驅案禮文而不忒招搖在上法天  
象而有程肅二戈戟鏜二鼓鉦期門飲飛雲蒸而鱗萃材  
官騎士岳立而山橫旌旗衣服文物聲明列羽林之仗空  
細柳之營錫鸞和鈴鏗天賴于晷吹槍楛鋒盾戢星芒于  
太清皇帝乃降步輦陞帳殿明誓六師誕修一戰法武侯  
之陣示以縱橫按風后之圖親加訓練出游兵以定兩端

握竒數而制四面搖乾蕩坤雷霆走電八尾四頭千化萬  
變開闔舒卷若常山之地蟠沸渭喧闐如滄海之鰲擘則  
有超乘賈勇戲車為即挾輶射戟挽強蹶張劍倚青溪戈  
揮太陽可以越巨壑踏崑崗氣壓乎北方之強又若屈產  
新羈渥洼逸駕汗血蘭筋騰霜照夜師子花鬃胡孫色赭  
可以走高山突平野執吞乎南牧之馬莫不虡若虎貌猛  
如熊罷麇兵神速彊騎飈馳前禦其前必參長而補短陣  
間容陣亦鴈行而魚麗疾徐有節動靜有期無窮如天地  
之運轉不竭如江漢之渺瀰沒而復出如兩曜盡而復生  
如四時同子弟之親父兄急難相救若手足之捍頭目斯  
須不離屹然立不敗之地堂乎成無敵之師以虞待

不虞則禍亂息矣治多如治寡則進退隨之所謂有備無  
患居安慮危保寧宗社震驚蠻夷暢皇威于禹畫生允悅  
于堯眉夫如是岐陽大蒐安能竊比驪山講武不足稱奇  
以此攻城何城不克以此平戎何戎不北兵雖示乎服習  
戰必分其曲直周武相之衆尚以仁而伐不仁漢高將  
將之材固關智而不關力既而皇歡洽白日斜還北闕御  
東華燕喜斯備慶賞有加氣增堡障聲動幽遐通大漠極  
流沙佇見破天親可汗之名風行紫塞賜奉國契丹之印  
永屬皇家帝庸作歌曰順時彌狩安邊禦寇揚我武兮師  
人輯睦軍陣習熟威醜虜兮不教而戰祗取敗兮不戢自  
焚予深戒兮近臣再拜而賡歌曰秋大閱兮威窮邊兵力

山齋集卷一  
七  
魏研齋補金  
銳兮人心堅封狼居兮禪姑衍抵瀚海兮登燕然俾遁逃  
兮無地咸扶服兮朝天無外之化被率土升中之禮兮告  
上玄然後飛英聲介景福億萬斯年

三黜賦

一生幾日八年三黜始貶商於親老且疾兒未免乳呱  
擁樹六百里之窮山唯毒地與鬻虎歷二稔而生還幸舉  
族而無苦再謫滌上吾親已喪几筵未收旅櫬未塋泣血  
就跼痛彼蒼兮安仰移郡印于淮海信靡監而鞅掌旋踴  
赴于國哀亦事居而送送叨四入于掖垣何寵祿之便蕃  
今去齊安髮白自昏吾子有孫始笑未言去無騎乘留無  
田園羝羊觸藩老鶴乘軒不我知者猶謂辛郎官貴而郡

守尊也於戲令尹無愠吾之所師下惠不恥吾其庶幾卞  
和之刑吾乃完肌曹沫之敗吾非與尸緘金人之口復白  
圭之詩細不宥兮過可補思而行兮悔可追慕康侯之晝  
接兮苟無所施徒錫爾而胡為効仲尼之日省兮苟無所  
為雖歎鳳而奚悲夫如是屈于身兮不屈其道任百謫而  
何虧吾當守正直兮佩仁義期終身以行之

罔極賦

後周廣順太歲甲寅季秋戊子實生吾身稟粹和于兩儀  
荷鞠育于二親粵自始孩逮乎成人求名得名干祿得祿  
痛吾母之早終受君羹而捨肉丁吾父之大憂從倚廬以  
食粥被朝恩之抑奪履人事而悽迷五鼎或來羨仲由之

斗米三牲縱具非茅容之隻鷄豈無兄弟各懷祿而悽  
亦有子孫方嬉戲于孩提冗食兮紀綱之僕多病兮糟糠  
之妻望松楸以暮泣履霜露而晨啼今日何日家人舉爵  
祝我壽考勸我歡樂感懸弧于茲辰念陟岵而淚落換斑  
衣兮純素變華顛于總角孰謂儒者不如農夫良田十畝  
柔桑百株無求于人身何憂其悔吝必出于力養不間乎  
精麤父母俱存緼袍重襦子弟匪懈夕畊曉鋤鷄豚掩豆  
黍稷盈壺草堂為壽其樂只且嗟乎吾不得而及也賦罔  
極而長吁

王黃州小畜集卷第一

王黃州小畜集卷第二

律賦有序

禹偁志學之年秉筆為賦逮乎策名不下數百首  
鄙其小道未嘗輒留秋賦春闈粗有警策用能首  
冠多士聲聞于時然試罷即為同人掠奪其草于  
今莫有存者高化中謫官上洛明年太宗試進士  
其題曰卮言日出有傳至商山者駭其題之異且  
難也因賦一篇今求向所存者得數十紙焚弃之  
外以十章列為一卷仍以卮言為首尊御題也

卮言日出賦

天道如張弓賦

仲尼為素王賦

君者以百姓為天賦

復其見天地心賦

尺蠖賦

聖人無名賦

索籥賦

醴泉無源賦

火星中而寒暑退賦

卮言日出賦 盈側空仰隨變和義

卮之為物也空則仰滿則傾伊斯言之無係假厥器而強  
名日出彌新尚安知其適莫天倪自得亦胡繫于虛盈豈

不以卮無所識每逐物而敬側言無所執但因時而語默  
諒何思而何慮固靡失而靡得用能滿天下以無過體寰  
中而可則後觀夫卮餽既以弗定言支離而不窮孰見兆  
朕難明始終冥其心若虛舟之泛水應乎物類天籟之鳴  
空是以至道無形至人絕想詎難追于駟馬實真求于罔  
象以不器之器是資以不言之言為上存于身則大智之  
閑二移于邦則王道之蕩二喻鳴鐘之大小物莫我欺取  
膠柱于樞機吾將安仰大哉卮也者既異欹器且殊漏卮  
言也者亦匪確論又非詭隨知萬物之種也奚千里而應  
之智過挈瓶樽杓之書徒爾信踰盈缶連山之象云為故  
曰不言則齊同形相禪巧如黃兮非偶卒若環兮無變得

之者毀譽兩忘失之者是非交戰詳夫卮有空滿于義則  
邠言無準的在理云何亦猶君不言而默首化天不言而  
玉燭和是以大道五千取不知而立誠老子云言者不知寓言十  
九藉外論以同波令我后據北極之尊窮南華之旨思歆  
體清淨而率兆庶故先命辭賦而試多士盛乎哉崇道之  
名不為虛美

天道如張弓賦王者喻身則此宜施

上天如之何匪謙莫益張弓如之何匪高莫抑瞻倚杵之  
為狀考鸞弧而取則所以老民隳之以立玄言王者法之  
而建皇極豈不以天實虧盈弓唯審固既命中以有式若  
無親而設喻善惡之効自應弦而靡差禰福之祥同流矢

之所注吾嘗觀善射之人如天道兮有倫下者舉其勢高者俯其身左馬右人落彀中而不失十發九中視掌上而彌親人嘗觀上玄之理與張弓兮匪異損有餘以示誠補不足而平施小人用壯唯六極而是罹君子好謙乃百祥而咸萃又嘗觀上聖之姿法天道兮緝熙令先禁于強暴心不忘於惇嫗百姓與能自樂財成之道四時咸序爰歸輔相之宜天之道也既以彼弓之義也又如此懿乎男子之事克叶聖人之旨自可移于邦求諸己蓋哀多益寡者焉唯舉下抑高而已夫如是則張其弓挾其矢體由基之所長天道遠人道邇非禪竈之能量是以君者撫其弱抑其強如猿臂之盡妙中鵠心而允臧向使天理或爽君道

靡常自然反時而反德又烏可稱帝而稱王者哉故曰孰能以有餘奉天下唯有道者

仲尼為素王賦儒素之道尊比王者

鳳鳥不至兮河不出圖聖人無位兮立教崇儒道之將行但棲遲而庶聘民受其賜猶南面以稱孤有以見同乎王者歎云乎蓋出司徒者也原其連屬陵遲力興儒素道將侔於皇極化實被於黔庶文行忠信設萬世之紀綱禮樂詩書崇百王之法度于時也魯道有蕩周德下衰言念萬國將同四夷不有聖也誰其救之我所以行教化序尊卑造次顛沛兮于是東西南北以忘疲用能定君臣父子之道述皇王帝霸之基夫如是則土無二以並矣位通三兮

偉而異夫振乃素風齊諸大寶贊易象兮奉人時修春秋  
兮行天討講于洙水初彰化下之功登彼泰山宛契升中  
之道自然其教斯廣其號彌尊豈止同明于日月亦將比  
德于乾坤居無求安四載之勤勞是效弋不射宿三驅之  
田獵斯存蓋由宅一畝以卑宮佩五常而克己其位也因  
于陪臣其道也齊乎天子列四科而升十哲八凱何殊誅  
正卯而斬俳優四凶竊比聖德洋二同諸帝王行東修而  
陳玉帛端逢掖而垂衣裳夢見周公求傳巖而允理問于  
老子師尚父而彌光大哉道濟古今教流華夏瞻不泯之  
廟貌若無疆之宗社悲夫商辛夏癸兮號獨夫又安得比  
于儒者

君者以百姓為天賦君有庶民如得天也

勿謂乎天之在上能覆于人勿謂乎人之在下不覆于君  
政或施焉乃咈違于民意民斯叛矣同謫見于天文在乎  
觀百姓之勞逸豈止仰一氣之綱緼而已哉徒觀乎浩  
玄穹虫豸黔首覆盂之狀何在倚杵之形莫有苟知乎御  
之以道亦類乎戴之而走悠也久也固無杞國之憂養之  
育之究其媯皇之手取彼穹昊方茲兆民匪在蒼天之色  
勿輕蠢蠢之人雖令不從反時之焚是比撫我則后無親  
之義斯陳可仰兮匪獨高明可畏兮亦惟黎庶每慮其一  
夫不獲竊比于六龍以御驗惡紂以歸周似猷秦而授楚  
是知察彼哀樂同茲慘舒但人心之悅矣任天道之何如

教以文章似列星辰之際示之溘朴疑歸混沌之初想夫  
君既柔懷民同剛克姑寅畏以則可苟暴殄而安得與人  
謌頌乃大舜之升聞自我聰明信惟堯之是則大矣哉善  
化民者以天為則善知天者以民為先若天人之理洞達  
則帝王之道敷宣寧資禘禩之言斯為妄矣自取夷吾之  
說不亦明焉令我后子育兆民砥平九野上惟奉于穹昊  
下每矜于鰥寡自然以百姓為天萬方歸也

復其見天地之心賦

天地幽曠觀象斯見

動者天地之用其震也勃焉靜者天地之本其復也寂然  
故二儀之心乃見七日之義斯玄自可要終而原始何必  
俯地而仰天豈不以復卦之義雷入于地既反本以無朕

亦見心而有自躁君不撓遂明萬化之源剥道方終未觀  
一陽之至其或鼓萬物蕩六幽上健行而弗息下剛克而  
勿休蒙亨艮止以氏作雷動風行而不收此乾坤之功也  
心無得而可求及其化功成物理革高明之體無用沉潛  
之形莫索凝然若混沌之未鑿寂兮如庖犧之未畫此乾  
坤之本焉心有來而可賸得不窮動靜之旨審語默之端  
其心斯在其妙可觀聖人見之則政尚簡教尚寬棄智而  
化萬姓垂衣而總百官故帝堯之道文思安二非復之義  
者諒至此而攸難君子見之則返諸身視諸掌既絕慮于  
嗜欲乃游神于罔象故孔子所謂其道蕩二非復之至者  
亦舍此而奚往是知運行者天地之時寂靜者天地之基

心亦在其中也物莫得而見之坐忘遺照之人于茲得矣  
至日閉關之義何莫由斯我后端冕凝旒窮神知變希夷  
之理斯極清淨之風克扇大哉天地之心明而可見

尺蠖賦 尺蠖之屈以求伸也

蠢爾微虫有茲尺蠖每循塗而不殆靡由徑而或躍懼連  
登之易顛固將前而復却所以仲尼贊易取譬于屈伸老  
氏立言用嘉乎柔弱吾嘗考畫卦之深旨見觀象之有以  
蓋美其時行則行時止則止寧鳧趨以鴻漸不磨驚而鵲  
起知進知退造幾微于聖人一達一來達消長于君子物  
有以小而喻大事可去彼而取此至若春日遲二品彙熙  
熙知時應候附葉尋枝每委順而守道不躁進於多岐自

中規而中矩非載馳而載驅其行也健而不息其氣也作而不衰曲乎形類形弓之彎矣隆乎脊狀祝敵以陳之豈比乎虫張網而役<sub>二</sub>蟻循磨而致<sub>三</sub>者哉懿夫微物尚有伸兮有屈胡彼常流但好剛而惡柔苟克已以為用奚反身而是求得<sub>不</sub>觀所以察所由驗人事之倚伏考星躔之退留自然寒暑相推而歲功及物日月相推而天明燭幽者也其或昧其機循其迹不知我者謂我進寸而退尺探諸妙蹟諸神知我者謂我在屈而求伸異蜂蠆之毒唯思螫人等龍蛇之蟄實可存身夫如是則蛙黽怒而受式非度德者螳螂奮而拒轍豈量力也未若尺蠖兮慎行止明用舍予將師之庶悔吝而蓋寡

聖人無名賦

元聖之道無得稱也

聖人執大象體乾元雖有教以及下故無名於自尊仰之  
彌高強配乃神之號為而不有奚矜惟睿之言原其先天  
之謂道體道之謂聖所以居域中之大所以為天下之正  
惟澹惟默固抱璞以含章不識不知豈命氏而考姓所謂  
上德不德無為不為其作也萬物所覩其用也百姓弗知  
難審之于耳目徒象之于希夷亦猶微妙者神焉蓋強而  
名矣蒼黃者天也但據遠視之徒觀其妙有羣生躬臨大  
寶寧鑽燧以啓祚豈巢居而建號聰明盡黜因求濬哲之  
褒迹用弗彰但守虛無之道得非喪天下于華胥得環中  
于道樞地身牛首兮非吾之耦雲官鳥紀兮莫我為徒孰

濟王而黜霸孰追堯而禪虞其或稽之以帝錄皇圖則視  
之若無求之以溫恭允塞則名之莫得其何必謂粟陸氏  
以居身據軒轅丘而啓國者哉所謂莫之與京無得而稱  
探至賾以為用曷常名而足徵尼父復生欲憲章而何取  
于長難在思純列以無能令我后尚黃老以君臨闡清淨  
而化下抑徽號于睿聖扇玄風于華夏有以見聖無名兮  
神無功信大人之造也

橐籥賦 天地之間其猶橐籥篇

伯陽以體道之言探乎極玄見乾坤之用也取橐籥篇而比  
焉豈不以德無疆者謂之地功不宰者謂之天譬翕張而  
氣作猶吹煦而聲傳用能萬物自化八音克全故王者法

之以虛受帝道用之而無偏者也原夫橐也者利于鼓風  
籥也者存乎運吹雖有質以克殊且無心而匪異故可以  
侔造化比天地一開一闔勃焉而元氣生變宮變商冷然  
而正聲至亦如天道無為地道博施予以麗百穀予以行  
四時皆虛中為動也故自外而應之是以橐之用則飛霆  
走電籥之運則如埴如篴信天地之義若此而橐籥之理  
在茲得不求諸繫表取自無間不言而應物妙用而循環  
趨聖域叩玄關昧其旨者徒小心翼翼得其要者惟大智  
閑是知虛而不屈為橐之師動而愈出為籥之資本虛  
無而生矣因形器以觀其所以天地之心悠也久也帝皇  
之道斯焉取斯懿夫二儀昭合一氣夷猶或動或靜克剛

克柔取乎蒲焉氣動而物來斯應類乎笛也樂出而人無  
我求至矣哉天地有大德其鼓動也于囊于橐天地有希  
聲其煦嫗也維筭維籥雖小大之不類信擬議而咸若今  
我后道合希夷心無適莫蓋囊括以為用豈管窺而可度  
所以百姓日用而不知又孰見聖人之有作

醴泉無源賦

王者之瑞何有本原

泉本靈長皆從濫觴何無源而自湧應有德以呈祥厥味  
乳甘可飲九苞之鳳其波不濁寧朝百谷之王豈不以地  
乃至柔水惟善下不愛其實于以光乎聖人感而遂通于  
以歸乎王者但沸渭以出焉奚疏鑿之謂也神化難知汪  
洋在茲視之者孰分似帶挹之者咸謂如飴匪自高山非

貳師之刺矣不居絕塞豈耿恭而拜之有以見德及于地  
不期而至其潤也齊乎聖澤其湧也偕乎睿知浪井不鑿  
我則同出而異名靈芝無根我則重祥而疊瑞稽夫是泉  
也其源不見于義則那其味且盲在理云何得非源之隱  
也與凡流而有異味之美也表聖德而靡他不然又安得  
匪因掘地而自可蠲痾者哉出鳥鼠者非吾之耦產蛟龍  
者亦孔之醜鄙河水之九曲笑涇泥之一斗自然而然非  
有而有考乎枝派應居水府之先効彼休禎合列祥經之  
首是何不在高原波騰浪翻孰知乎桐柏孰謂乎崑崙任  
大禹之功深寧歸畎漕縱張騫之力盡曷識根源士有自  
立身謀非因世本桴學海以斯久導言泉而漸遠期作瑞

于昌朝免常流之一混

火星中而寒暑退賦 心火中則寒暑斯退

惟大火之照臨亦舒陽而慘陰寒暑將交于時令經躔必  
在于天心冬夕午馬栗烈之風自止夏宵中矣鬱蒸之氣  
爰沉不知誰為種榆其名曰火隨衆星以拱極正二氣而  
在我小人怨咨之語望之則銷大鈞吹煦之期違之莫可  
所以指命顛頊迴旋祝融自然無出其右寧勞舉正于中  
乍疑日馭逐魯陽之戈再懸碧落定星示楚宮之役迥挂  
長空遂使祁寒知難而少抑暑雨交綏而自息素繒之壤  
知止衣葛之人動色不知我者謂我執造化以弄權知我  
者謂我正陰陽而作則類聖人之南面令之而必從任天

道以古旋踰之而莫得至若北陸兇殘人斯鮮懼層冰飛  
雪以俱至挾纒重裘而因安我之中矣可以却彼司寒又  
若南訛赫怒人失其所集砂爛石以何盛輕篋纖締而曷  
禦我之中矣可以祛其酷暑是何表正二儀亭二在茲營  
室槽巢兮取之于彼收藏長養兮何莫由斯標不宰之功  
所以均乎六義示無言之信所以成乎四時大矣哉行度  
無差寒暄自退天垂象以是仰世作程而斯在年二兮東  
作西成明二而可大

開化

王黃州小畜集卷第二

開化圖書館  
Wachua Library

小畜集卷二

七

吾研齋補鈔

王黃州小畜集卷第三

古調詩

訓种放徵君

寄獻鄜州行軍司馬宋侍郎

寄題陝府南溪兼簡孫何兄弟

七夕

讀漢文紀

合崖湫

吾志

携稚子東園刈菜因書觸目寄均州宋四閣

長

四皓廟二首

不見陽城驛

感流止

除夜

竹澗

觀隣家園中種黍示嘉祐

蔬食示舍弟禹圭并嘉祐

酬种放徵君

一百韻此篇命為首重高士也

太歲在辛卯九月萬木落是時太陰虧占云臣道剥玉生  
出紫微謹逐走商洛扶親又抱子迤邐過京索弊車載書  
史病馬懸囊索西都不敢住空負香山約闕鄉正南路秦

嶺峭如削肩輿礙巨石十步三四却妻孥亦徒步磧礫不  
容脚山店蓋木皮煙火渾燠灼夜深聞鬻虎全家屢驚懼  
山泉何縈回切冽無橋約卸鞍引羸蹄解襪事芒屨晨瀾  
髮可鑑朝涉脛如斲商山六百里天設皆巖崿上洛在其  
中狴牢曾未若逐臣自可死何必在遠惡刺史不我顧古  
寺聊淹泊卜居葆民吐致養無精粦知道由自寬有親強  
為樂側聞种先生終南卧雲壑長沮既躬畊元禮仍開學  
王績婦未娶介潔翹孤鶴之推母偕隱教誨脩天爵詩情  
亦嗜酒道氣不服藥田衣剪荷芰野飭烹菹葑霧豹澤文  
彩冥鴻避燧繳肯從羨鴈聘唯恐簪裾縛如何宋右史斥  
鷄議鷓鴣

趙居舍人宗維翰奏神放隱居終南乞量才錄用頗為識者所笑

玄纁與丹詔

恩禮誠非薄仍勅京兆府敦諭辭恭恪先生戀板輿純孝  
 心堅確散髮走烟密拜章謝恩渥巨材猶在澗火玉不出  
 璞使者遂空迴軟軟何寂寞賢母召徵君庭責詞高胡  
 為事章句漏名入街部府縣汚我山胥徒噪吾幄以茲近  
 聲利安得成高邈誓將徙窮谷庶可逃誼濁先生拜引過  
 為壽開樽杓陶二又熙二何啻聞竽籥人傳到遷客函目  
 敦音堆慙怍器小識不遠當年事頭角遭時得一第游宦  
 何齷齪逐羶甚蚍蜉鬪耀同蝟螻宰邑乏弦歌諫垣無蹇  
 諤便蕃朱紫綬僭忝絲綸閣方號駸二龍已困狴二狴待  
 罪始知非咄哉昧先覺一聆高世行罪髮庸可擢忍耻賦  
 三章塵埃寄寥廓明年會恩宥量移井蛙濯靡暇謁南山

征途望西嶽黃河波洶湧白逕苔班駁中條圍解縣五老  
烟靄二此焉為郡副烏敢事隕穫籠禽幸未死尚且謀飲  
啄米呼村婢舂樵雇山僮斫餵馬捩寒蕪看書熟秋穰信  
口亦吟哦放心無適莫君恩已絕望人事終難度相府一  
張紙喚起久屈蠖誠知有梁棟未忍棄榱桷五城天上開  
三殿雲間卓重取故衣冠籠裹山猿攫病翼得風雲壞墻  
勞赭堊諫官與史氏舊職聊羈絡舉袖拂石螭凝眸睨金  
雀冥心想前事一夢何揮矐長恐先生聞倚松成大塚關  
中用友來遺我神仙作繁華遠客騎錚鏦美人錯古澹吸  
釧羹文雅鏗木鐸千言詎百韻旨趣何綽二孰念氣如虹  
翻然輕抵鵲俊甚麻姑爪快比屠門嚼渾金豈在鎔尺璧

寧施琢愈風齊捧檄忘味同聞樂致之向懷袖日夕芬蘭  
若襲我塵俗韻鉛刀化干鏑同聲必有應過實還疑謔盛  
夸山中事雲屋張霞幕蘭芽含露採石髓和煙酌巢由泉  
滌耳園綺芝盈握有時上絕頂星斗近可摸下視塵世人  
營<sub>二</sub>以蟲螻男兒既束髮出處岐路各苟非秉陶鈞即去  
持矛槊致主比唐虞安邊如衛霍不爾為逸人深居返吾  
朴胡然自碌<sub>二</sub>名節日銷鑠行年過半世功業欠圭勺無  
術鑄五兵使民興錢鑄無材統六師逐寇開沙漠空言說  
王道肆目看人瘼多慙指佞草虛効傾心藿一覽大雅文  
起予亦何博况茲山野性謨畫昧方略搔首謝朝簪行將

返耕鑿

五石齋

寄獻鄜州行軍司馬宋侍郎

鉅賢如木鐸一振聲蓋代丈人文曲星譴謫落下界辭源  
發崑崙意盡若到海昔在神德朝少秀負文彩擢第應制  
舉名試拂華蓋醉揮拔萃判一字不復改傳寫遍都下紙  
貴無可買一命佐著作芸閣垂纓珮詩數千首人口炙  
與鱸志大輕俸錢痛飲負酒債庸蜀既即叙出命玉津宰  
題柱薄長卿銘閣笑張載錦水清見髮峨眉綠干黛物華  
曾不負詩酒聊自待旨甘豈擇祿印綬久不解陶潛腰任  
折萊子衣有彩蹉跎歷四邑塵土不可擺吾皇在藩邸聞  
名四聰駭即位未決旬獨許延英對相見恨已晚欣然契  
嘉會諫官聊假道紫微遽真拜制誥復西漢碑板榻東岱

金鑿赴夜台顧問及速大白麻幾千紙意出元白外薦墮  
恐不及誘善曾無怠當朝自獨步晚節亦泛處有別樂聞  
韶無譏詩自鄙賤子在廣場知見殊流輩進士數且千馳  
騫稱俊邁人三握靈蛇許我珠無類超拔冠多士權貴不  
前礙御前中科第閣下備寮案詎惟師碩德常許接佳話  
國朝大手筆日夕期鼎萬骨中泰山雲舒卷何遷霽言下  
傳巖蓄縮未霧霈吾道遂難行一旦同得罪典午信冗散  
貳車更狼狽商於甚僻陋廊時近山寨共月踰千里便風  
無一介何當遂乘桴侍坐浮渤澥大笑引瀉風樽前一長  
噫今茲當委順自昔無芥薑投詩助醉吟入室生徒在

寄題陝府南溪魚簡孫何兄弟

申湖在陝服自昔名所重許昌遺唐律人口尚傳誦舊迹  
固秦莽勝槩猶出衆前年謫商於過此方憂恐無暇濯溪  
泉惻心甚痛量移遇恩宥方寸稍放縱故人孫漢公勤  
懇事迎送柅車得三宿延我入溪洞春殘尚有蝶夏首始  
見竦朱櫻實頗繁黃鳥聲亦哢地幽接府署亭高瞰村壑  
縈砌水逶迤入簷山籠從鯉翻自躍金蝸曳燒餘汞石危  
君子介筍亂小人勇虛涼集鷗鷺爽塏無蚊蠓芟葉巧如  
剪萍根密非種遙苔自斑駁岸草互葍奉官醞綠開餅時  
果青出籠醉中猛別後依約似一夢唯愁當要路時復棲  
闡茸解梁雖近山境埆費耕撞董音董常風有監南日夕塵壟  
捧雲泉既遼遠草樹非秀聳况茲炎蒸月繫縛何所動緬

懷八龍會南溪與誰共棣萼本多才甘棠應少訟枕簟與  
琴書鵠原聊自奉篇章取李杜講貫本姬孔古文閱韓柳  
特策開晁董清吹席上來當暑閉冰凍菱脆擘瓊枝瓜甘  
浮蜜莆氣秋綠條戰露曉圓荷捧照湖小賀監溪堂輕馬  
揔此景且不同此懷可長慟平生好泉石况復官散冗近  
聞田紫微漣水許就俸田舍人量移單州表乞就漣水召詔許之援例苟得請  
申湖當入用終老占溪居卧看秋泉湧

七夕 商州作

去年七月七直廬閑獨坐西日下紫微東窓暈青瑣露柳  
凋忽鳴風簾燕頻過寂紅藥塔槿花開一朶時清無詔  
詰性澹忘物我兀然何所營橫枕通中卧夢入無何鄉蛺

蝶甚么麼孰謂處深嚴自得放慵惰中官傳宣旨御詩令  
屬和驚起儼衣冠拜舞蒼苔破逸翰龍蛇走雅調金石播  
洋二百世音乃賡強牽謀暮隨丞相出自謂天上墮歸來  
備乞巧酒肴間瓜果海物雜時味羅列繁且夥家人樂熙  
熙兒戲舞娑叶韻蘇寵辱方若驚倚伏忽成禡九月謫商

於羈縻復窮餒鳳儀困鷓鴣赫驥足翻鼈玻山城已僻陋旅  
舍甚叢脞夏早麥禾死春霜花木挫吾親極衰老吾命何  
輒軻稚子啼我前孺人病我左玄髮半凋落紫綬空垂拖  
客計魚脫泉年光蟻旋磨昨夜枕簟涼西郊忽流火河漢  
勢清淺牛女娑婀娜商土本硤磽商民久勞瘁霜旱固不  
支水潦復無柰是歲商山居人無艱食行商不通貨郡小

秋大水

商山

數千家今夕唯愁呵呼可吾兒索來禽即林禽傾市得一顆  
 舉家成大笑愁眉略舒繲自念一歲間榮辱兩偏頗賴有  
 道依據故得心安妥窮乎止旅人達也登王佐匏瓜從繫  
 滯糠粃任揚簸批鳳不足言失馬聊自賀委順信吾生無  
 可無不可

讀漢文紀

西漢十二帝孝文最稱賢百金惜人力露臺艸芊眠千里  
 却駿骨鸞旗影遷延上林慎夫人衣短無花鈿細柳周將  
 軍不拜容橐鍵霸業固以盛帝道或未全賈生多謫宦鄧  
 通終鑄錢謾道膝前席不如衣後穿使我千古下覽之一  
 泫然賴有佞倖傳賢哉司馬遷

合崖湫

合崖何嵌空湫水何冲澍淳汚暨積潦滯泥去聲不朝宗有時見鬼恠無人薦王公止可飲麋鹿未當產蛟龍山眩自神之祠祀衆口同今春商於旱太守職憂農先請境內山熊耳有如聾乃迎是湫水盈乎素缶中州民與郡吏覲女雜巫童朝祈又夕禱拜起虔且恭馨爐復奠爵牲幣潔而豐適與天雨會三日勢濛濛致謝送水歸盡禮有始終水旱盖定數災祥與政通傳巖道喪久吐爾貪天功

吾志

吾生非不辰吾志復不卑致君望克舜學業根孔姬自為志得行功業如臯夔既登俊秀科又在清切司諫紙無直

言綸誥多媿辭勉為何事親老與妻兒一旦命執法嫉  
惡寄所施丹筆方肆直皇情已見疑斥逐深山中窮辱何

羸于張及不得安用此生為

子定國張釋之

携稚子東園刈菜因書觸目寄均州宋四閣長

大鷲引新雛小鷄哺老鳥青二樹木間禽鳥聲歡娛我携

二稚子東園擷春蔬可以奉晨羞采二供貧厨非肉誠不

飽割身實無餘緬懷宋閣老同日出京都謫宦不携家留

妻事老姑塊然武當下此樂園亦無

四皓廟二首

秦皇焚舊典漢祖溺儒冠萬民在塗炭四老方晏安白雲  
且高卧紫芝非素餐南山正優游東朝忽艱難高步揖萬

乘拂衣歸重巖飛鴻自冥二東帛徒戔二古廟對山開清  
風向人寒更無隱遁士空有賓客官况我謫宦來塵跡汚  
祠壇朝衣慙蕙帶佩玉媿紉蘭或依塔下樹陶暑解馬鞍  
或借廟前水來秋把魚竿吾道多齟齬吾生利盤桓登山  
殊未倦飲水聊盡驩精靈莫相笑此意樂且盤

其二

小言望小利載在禮經中遂有鷹犬輩拔劍各爭功一出  
定萬乘去若冥二鴻寂二千古下孰繼採芝翁

不見陽城驛有序

予為兒童時覽元白集見唱和陽城驛詩時  
稹貶江陵過高山感陽道州而作是詩也且

改驛為避賢郵不忍呼其諱也樂天在翰林  
得而和之又見杜紫微富水驛詩題下解云  
富水驛舊名與陽諫議同卒章曰驛名不合  
輕移改留警朝天者惕然高化二年秋九月  
予自西掖左宦商於訪其驛即無有也驗之  
圖經求諸郡境則富水地存而驛廢陽城之  
號遂莫知矣因作古風詩申明三賢之作且  
以不見陽城驛為首句至于道州之行事元  
詩盡之矣此不復云

不見陽城驛空吟昔人詩誰改避賢郵唱首元微之微之  
謫江陵顛顛為判司路宿商山驛一夕見嗟咨所嗟陽道

州抗直貞元時時亦被斥逐南荒終一麾題詩改驛名格  
力何高竒樂天在翰林亦和遷客詞遂使道州名光與日  
月馳是後數十年借問經者誰留題富水驛始見杜紫微  
紫微言驛名不合輕改移欲遣朝天者惕然知在茲一以  
諱事神名呼不忍為一以名警衆名存教可施為善雖不  
同同歸化之基邇來又百稔編集空鱗美我遷上雒郡罪  
謹身繫維舊詩猶可誦古驛殊無遺富水地雖在陽城名  
豈知空想數君子貫若珠纍三三章詩未泯千古名亦隨  
德音苟不嗣吾道當已而前賢尚如此今我復何悲題此  
商於驛吟之聊自貽

感流止

謫居歲云暮晨起厨無煙賴有可愛日懸在南榮邊高春  
已數丈和煖如春天門臨商於路有客憇簷前老翁與病  
媪頭鬢皆皤然呱二三兒泣惇一夫鰥道糧無斗粟路  
費無百錢聚頭未有食顏色頗飢寒試問何許人荅云家  
長安去年關輔旱逐熟入穰川婦死埋異鄉客貧思故園  
故園雖孔邇秦嶺隔藍關山深號六里路峻名七盤襁負  
且乞丐凍餒復險艱唯愁大雨雪殫死山谷間我聞斯人  
語倚戶獨長歎爾為流亡客我為冗散官左官無俸祿奉  
親之甘鮮因思筮仕來倏忽過十年我冠蓋黔首旅進長  
素餐文翰皆徒爾放逐固宜然家貧與親老覩翁聊自寬

除夜

不

四十強而仕禮文可遵守筮仕已十年明朝三十九自知  
得祿早左宦誠宜有年雖遇潘岳未為全白首貧猶勝墨  
子黔突聊供口若比張辟疆吾甘為老醜若比太公望吾  
方為少秀任從新歲來且獻高堂壽更解金貂冠多貫商  
山酒

竹龜

商嶺多修篁蒼翠連山谷有鼠生其中荐食無厭足春筍  
齧生犀秋筠折寒玉飫飽致肥脂優游恣蕃育林密鳶不  
攫穴深犬難逐鳳凰餓欲死彼實無一掬唯此竹間龜琅  
玕長滿腹暖戲綠叢陰舉頭傲鴻鵠不知商山民愛爾身  
上肉有錡利其鋒有錐鋸于鋸開穴窘如囚洞骨聲似哭

膏血尚淋漓携來入市鬻竹也此賢良鼠兮類盲俗所食  
既非宜所徇誠知速吁嗟狡小人乘時竊君祿貴依社樹  
神俸盜太倉粟笙簧佞舌鳴藥石嘉言伏朝見秉大權夕  
聞罹顯戮李斯具五刑趙高夷三族信有司殺者在暗明  
於燭彼狡勿害賢彼鼠無食竹

觀鄰家園中種黍示嘉祐

比鄰有閑園瓦礫雜荆杞未嘗動耕牛但見牧群豕今夏  
赤旱天斷琢誰家子播種甚莽鹵苗稼安能起秋來連月  
雨柴門晝不啓新晴一携杖出戶聊從倚重到田中立黍  
稷何疑吐穗欲及肩鳥雀聲亦喜力穡乃有秋斯言不  
虛矣向使嬾種植荒榛殊未已有書閑不讀為學還如此

蔬食示舍弟禹圭并嘉祐

吾為士大夫汝為隸子弟身未列官常庶人亦何異無故  
不食珍禮文明所記况非膏粱家左宦之貲費商山水復  
早穀價方騰貴更恐到前春藜藿亦不繼吾聞柳公綽近  
代居貴位每逢水旱年所食唯一器豐稔即加籩列鼎又  
何媿且吾官冗散適為時所棄汝家本寒賤自昔無生計  
菜茹各須甘努力度凶歲

化  
開  
a r h u a

王黃州小畜集卷第三

一

吾石齋補金

王黃州小畜集卷第三

開化圖書館  
Kaihua Library

王黃州小畜集卷第四

古調詩

懷賢詩 三首

桑魏公 維翰

李兵部 濤

王樞密 朴

五哀詩 五首

故尚書兵部侍郎琅琊王公 祐

故尚書虞部員外郎知制誥貶萊州司馬

渤海高公 錫

故殿中侍御史滎陽鄭公 起

小畜集卷四

四

蘇軾詩集卷四

故國子博士郭公忠恕

故太子中允知洛陽縣事穎公贇

太一宮祭迴馬上偶作寄韓德純道士

送筇竹杖與劉湛然道士

對雪

金吾

送戚維戚綸之閬州亳州

送陳侯之任同州

送朱九齡

暴富送孫何入史館

贈劉仲堪

送馮尊師

懷賢詩并序

僕直東觀時閱五代史見近朝名賢立功立  
事者聳慕不已思欲形於詩詠而未遑今待  
罪上洛不與郡政專以吟諷為事業因賦懷  
賢詩三首仍以官氏列于篇首云

桑魏公維翰

魏公王佐才獨力造晉室揮手廓氛霾放出扶桑日感慨  
會風雲周旋居密勿下民得具瞻上帝賚良弼沉二帷幄  
謀若二政事筆品流遂甄別法令頗齊一跋勅朝據案論  
兵夜造膝多士若鴛鴦官材咸有秩諸侯如狼虎請謁盡

小齋集卷四  
二  
吾石齋補金  
股采秉鈞多事朝綽二有紀律遠將留侯比近以贊皇匹  
志在混車書誓將闡儒術皇天未厭亂運去何颺歛高祖  
馱寰區少帝無始卒老成既踈遠羣小相親昵瀆武兵漸  
驕倒懸人不恤和親絕強虜謀帥用悍卒魏公在藩垣上  
疏論得失七事若丹青辭切痛入骨忠言殊不省直道果  
見屈鐵馬從北來煙塵晝蓬勃穹廬易市朝左衽雜纓紱  
主辱臣不死囚縛自安逸唯公獨遇害身殞名不沒惜乎  
英偉才濟世功未畢一讀晉朝史遺恨空鬱鬱二子孫亦不  
振天道難致詰

李兵部 濤

有唐張曲江盛名何曄曄請誅安祿山先覺不見納胡雛

有反相其事遠相接賢人何代無舊史聊可獵兵部事晉  
朝文學科中甲強臣方跋扈朝士多懼怯獨持上方劍願  
斬犇鯨鬣堂二張彥澤反勢凌閭闔拜章請顯戮直氣不  
可壓三進叩玉墀植笏立莫莢皇情彌慰撫清問屢應吞  
終焉念小恩曾不顧大業高吟歸去詩潺湲淚承睫旋踵  
即亂華有同虞不臘張公領鐵馬朝市胡塵合刺謁甚閑  
詳辭氣殊不懾虎狼不敢害加禮為下榻當年棄蹇謫異  
代居調變相位席不煖帝澤安可洽斯人既淪亡此風亦  
蕭颯滑稽何足累大節世已乏安用學腐儒屹守禮法

王樞密朴

西樞經緯才慷慨遇真主文學中甲科風雲忝朝府直躬

在密勿未始畏疆禦凭案讀古書箕踞視太祖澤欲浸生  
民化將還遂古拆寺遇武宗排佛如韓愈盡髮羣苾芻使  
之藝禾黍兵威遂強盛人力不耗蠹世宗征淮甸委任當  
留務馬前拜侯伯塔下列樵斧叱咤氣生風將校汗如雨  
手築太平基胼胝不輟杵具瞻人有望衰運時不與修短  
人難忱穢奪民何怙恩深與小斂撫惇甚悲沮云亡復殄  
瘁前哲非虛語世豈乏賢良才難具文武曆象過羲和文  
章敵燕許可能隨衆人冥冥歸塵土子孫雖衆多必復事  
未覩誰銘遷客詩高揭王公墓

五哀詩有序

予讀杜工部八哀詩唯鄭廣文蘇司業名位

僅不顯者餘多將相大臣立功垂裕無所哀  
矣噫子美之詩蓋取人之云亡邦國殄瘁而  
已非哀乎時也有未列于此者待同志而嗣  
之云

故尚書兵部侍郎琅琊王公祐

琅琊名父子少孤起徒步贄謁桑魏公藻鑑非易與撫頂  
久歎惜王楊許為伍諸侯取為官佐幕大名府主帥杜重  
威功大心跋扈天驥被繫維神龜罹網罟六師薄孤壘三  
面開生路主人既釋放賓筵因註誤逼脅本非辜貶謫尋  
不赴折腰紆墨綬捐翼久未舉梁竦耻州縣長卿有辭賦  
裏行旌邑政柱史登朝序抨彈志不樂潤色才有素錦窠

應列宿星垣吟藥樹丹青生帝典金玉鏗王度東觀秉直  
 筆南宮司貢部時英萃門下諳騰嘉譽鵬掀六月風豹  
 蔚七日霧多才同列忌嫉惡姦人怒排斥屢專城織羅仍  
 典午名官頗流離衣食常貧窶文明起代邸振拔非不遇  
 紫微雖正拜白髮已遲暮史魚直有遺根也剛不吐非才  
 占清列志欲投兇虜英俊在草萊力能生翅羽毀譽兩無  
 私華袞間蕭斧掌選循故實尹京恥鉤距名位僅三事疾  
 瘵嬰二豎告滿拜貳卿君恩慰沉痾終見哲人萎蕭空  
 壙墓鯉庭有令嗣鳳閣登仙署西制列門生九原應自許  
 蒼二猶足信吾道似有訴餘慶在子孫明二深可據

故尚書虞部員外郎知制誥貶萊州司馬渤海

高公錫

文自咸通後流散不復雅因仍歷五代秉筆多艷冶高公  
在紫微濫觴誘學者自此遂彬<sub>二</sub>不蕩亦不野惜哉傷蹂  
進忤旨出閣下吾君登大寶光澤連霽灑均陽又淮陽移  
徙曾不暇遂無牽復命虛偶文明化何路得自新賫志入  
長夜人謂責太深終于郡司馬

故殿中侍御史滎陽鄭公起

柱史有名跡清才自天縱思慶雲合落筆醴泉湧詩  
與文賦錚<sub>二</sub>人口諷揚袂入澤宮鵠心一箭中侍才善戲  
謹負氣好侮弄大志有誰知細行乖自訟小諫事世宗惕  
惕佩光寵太祖方歷試握兵權已重上書范魯公先見不

能用曆數不在周謳謠卒歸宋汗漫失屠龍接輿遂訶鳳  
行荷伯倫鍾高臥畢卓羗神德不為嫌優待臺諫俸晚求  
萬泉令吏隱官資冗一旦隨朝露識者彌哀痛無子嗣家  
聲身世若一夢文編多散失人口時傳誦空持一器酒何  
處澆孤冢

故國子博士鄧公忠恕

汾陽飽經術賦性甚坦率在昔舉神童廣場推傑出尚書

誦在口何論若自筆

公應舉時尚書手寫論語

總角取科名弱冠纓

紱早佐襄陰幕漢鼎入周室失志罷屠龍佯狂遂捫虱周  
行亦黽勉吏隱多放逸滑稽東方朔圖畫王摩詰古文識  
科斗奧學辨萍實字窮蒼頡本篆證陽冰失王績醉為鄉

伯倫居無匹俸錢之一囊宦路從三黜朱衣多不着白髮  
仍慵櫛漸老羈旅年方見昇平日忽以伎術召此意殊鬱  
鬱放口忤無鬚何門求造膝遁逃終見捕譴逐道中卒遺  
孤落閭閻荒塚鳴蟋蟀子澤漸難求誰家耀箱帙投吊焚  
此詩九原應有物

故太子中允知洛陽縣顏公贊

洛陽富文彩峭拔四子流提筆入廣場辭氣干斗牛擢第  
在芸閣言事觸冕旒左降宰百里道勝心無憂才高恥吏  
後放蕩不檢脩起應賢良科下筆不見休青宮尚淹恤赤  
縣且優游輕財糞土賤高義雲天浮懸磬任貧窶盈樽長  
獻鼎知己彼何人鳳閣與黿頭推挽終不起壯志將焉收

晚年圮橋後關市良可羞忽然為異物寒封草一丘孀娶  
應凍餓交友誰尋求遺孫方稚齒爽秀已邁二皇天若有  
憑必使光貽謀

太一宮祭廻馬上偶作寄韓德純道士

去年暨今夏承詔祠天神昔當搖落時宮葉紅紛二此來  
芳春暮宮草青秦三三日奉齋潔百骸祛垢氛御署致恭  
虔天香何網緼監祀黃門郎攝官紫微臣松枝拂劍佩樹  
影光播紳燈燭晃白晝香花藹青芬金殿禮神仙瑤壇醮  
星辰至誠不為己玄鑒當福仁質明祀事畢復命趨紫宸  
揚鞭入村落緩轡駢逡巡麥田少時雨蠶月無閒人自慙  
懷祿仕蠹此力穡民又拋三洞趣來入九衢塵不如韓道

士長此養天真

送筇杖與劉湛然道士

有客遺竹杖九節共一枝鶴脰老更長龍骨乾且竒我問  
何所來二從由南夷因思漢武帝求此民力疲明二聖天  
子德教如四維蠻貊盡臣妾縣道皆羈縻二僂僂與笮馬入  
貢何蒙二此竹日已賤輕視如蒿藜我年三十七血氣未  
全衰况在紫微垣動為簪笏羈倚壁如長物歲月無所施  
寸心空愛惜惜此來天涯忽承明主詔來謁太一祠再見  
劉先生氣貌清且羸持此以為贈所謂得其宜少助橘童  
力好引花鹿隨步月莫離手看山聊搢頤微物懶致書故

作筇竹詩

對雪

帝鄉歲云暮，衡門晝長閉。五日免常參，三館無公事。讀書  
夜臥遲，多成日高睡。睡起毛骨寒，窓牖瓊花墜。披衣出戶  
看飄飄，滿天地。豈敢患貧居，聊將賀豐歲。月俸雖無餘，晨  
炊且相繼。薪芻未闕供，酒肴亦能備。數杯奉親老，一酌均  
兄弟。妻子不飢寒，相聚謔時瑞。因思河朔民，輸稅供邊鄙。  
車重數十斛，路遙幾百里。羸蹄凍不行，死轍冰難曳。夜來  
何處宿，聞寂荒陂裏。又思邊塞兵，荷戈禦胡騎。城上卓旌  
旗，樓中望烽燧。弓勁添氣力，甲寒侵骨髓。今日何處行，牢  
落窮沙際。自念亦何人，偷安得如是。深為蒼生蠹，仍尸諫  
官位。謇諤無一言，豈得為直士。褒貶無一詞，豈得為良史。

不耕一畝田不持一隻矢多慙富人術且乏安邊議空作  
對雪吟勤二謝知己

金吾

金吾河朔人事郡在賤列攀附周世宗龍飛起魚鼈委質  
向聖朝積功取旄鉞所在肆貪殘乘時恃勲伐皇家平金  
陵九江聚遺孽彌牟城乃陷不使鷄犬活老小數千人一  
怒盡流血三惑無不具五福何嘗缺晚年得執金富貴居  
朝闕娛樂有清商康強無白髮享年六十九固不為夭折  
考終北牖下手足全啓黻子孫十數人解珮就衰絰贈典  
頗優崇視朝為之輟哀榮既如是報應何足說責薄李廣  
死賜劔武安滅僥倖過古人况無大功烈福善與禍淫斯

言僅虛設吁嗟為儒者寒餒守名節五十朝大夫龍鍾頭  
似雪無故不殺羊禮文安可越何況賓祀間負苦無羊殺

送戚維戚綸之閬州亳州

古人貴道德豈以祿位拘有道不在位顏回舜之徒無德  
殃且至商受為獨夫以此固名節富貴安足圖睢陽戚先  
生今世古之儒終身不求仕沒齒唯誦書孝愛睦姻族淳  
謹化里閭文翁變蜀土尚以德位俱仲淹居汾水專用素  
教敷青子衿葦櫛比曳朝裾盛德苟無報吾道將焉如  
鯉庭生二子驪頷委雙珠朴厚有父風學業張皇謨各登  
進士科齊乘使者車閬中佐郡政亳州社司推酷佐郡古半  
刺可使惇發蘇推酷令權道亦助軍國須牽車驥雖屈補

履刃有餘誰謂佐著作在上積薪芻誰謂光祿勳其中混  
瓊琚我亦何為者先上青雲衢伐木空求友拔茅未連茹  
終待奮直筆會當伏青蒲請慎名與器願分賢與愚彙征  
補皇極戮力張道樞巨魚方煦沫相忘在江湖冥鴻當順  
風接翼摩太虛此志尚壹鬱此別良悲吁苦縣且密邇劍  
關多崎嶇于役勿為歎加飭聊自娛尺素惠好音無惜雙  
鯉魚

送陳侯之任同州

丈夫貴自奮何必恃貽謀當年功不立古人重為憂太師  
忠順公沒世有餘休令子一何賢恥隨資蔭流碌碌奉朝  
請帝恩何以甌鬱鬱不快意上章聞冕旒願為循良吏未

甘恩澤侯天子嘉乃誠錫命莅同州同州古三輔北望雄  
且優詔條得以布民瘼得以求勿謂綺紈子當有襦袴謳  
詩云無忝爾禮云必為裘去二繼旄節免作將門羞

送朱九齡

吏隱不求貴親老不擇祿之子有俊才弱冠中正鵠弗墜  
先人業何慚有道穀一命佐碭山枳棘聊容足再命宰嘉  
興絲桐幾平易俗率身甘菜茹養母求梁肉承顏苟不虧  
折腰未為辱解印無餘貲舟中只琴筑十口寄淮泗一身  
來輦轂又說東南行秋風江水淥鄱陽古名郡赤金流山  
谷每歲鼓錢刀從來設官局還得便高堂無辭縻逸躅  
帆江湖思木脫天地肅楓葉紫爛編蓼花紅衆教津吏睦

來迎溪僧夜留宿至止事方簡優游從所欲江城豐稻梁  
水市多魚鮓三載奉甘飴百錢飽家族自有綵衣華勿歎  
藍袍綠行年未三十氣壯顏如玉行義日以聞焉能長碌  
碌終列侍臣班耀我同年錄且賦白華詩唱作離筵曲

暴富送孫何入史館

孟郊常貧苦忽吟不貧句為喜玉川子書船歸洛浦

孟郊有忽

不貧喜盧仝書船歸洛詩

迺知君子心所樂在稽古漢公得高科不足

唯墳素二年佐棠陰眼黑怕文薄躍身入三館爛目閱四  
庫孟貧昔不貧孫貧今暴富暴富亦須防文高被人妬

贈劉仲堪

劉生頗少秀為學識根柢丘軻有堂奧試脚到塔砌楊墨

恣荒榛揮手欲芟雜攜文訪謫居趣向非權勢對挹雛鳳  
下交言孤鶴唳在璞認良玉行當為國器彼茁見靈芽佇  
可供王祭豈止隨衆人區區一枝桂宜哉孫漢公妻之以  
女弟吾家兄之子筭年未伉儷恨不早相逢取子為佳壻

送馮尊師

時再為拾遺

前日訪潘閣下馬入窮巷忽見雙笋石卧向青苔上云是  
馮尊師秋來留在茲今說東南行問我堅乞詩又見宋閣  
老亦言師甚好欲去天台山即別長安道臺閣有群英贈  
別瑰與瓊瑋然滿懷袖此事殊為榮安用徵吾句吾道方  
齟齬老為八品官有山未能去束髮號男兒出處貴得宜  
出則學臯夔獨立稱帝師處則同高松決起如真鴻誰能

似蚯蚓蟠屈泥土中  
師行甚可羨  
雲鶴無羈絆  
為我持此  
詩題于桐栢觀

王黃州小畜集卷第四

開化圖書  
Kazhwa library

開化圖書館  
Kathua Library

王黃州小畜集卷第五

古調詩

八絕詩八首并序

東門送郎吏行寄承旨宋侍郎

送林介

北樓感事有序

送劉職方

感興

老態

官軀

射弩

黑裘

聞鵝

甘菊冷淘

霽雨中偶書所見

唱山歌

訓楊遂

和楊遂賀雨

八絕詩有序

唐大曆中隴西李幼卿以宮相領滁州刺史始游瑯邪山立寶應寺故泉有庶子之號李陽水篆其銘存諸石壁白龍泉又次焉繇是

亭臺溪洞合垂藤蓋謂之八絕云皇宋至道  
元年予自翰林學士出官滁上因作古詩八  
章刻石于寺：開化者我朝改之也

庶子泉

物形固天造物景不自勝泉乎未遇人石罅徒流迸宮相  
政多暇行樂躡巖磴發蒙漲為溪幽致茲焉盛唐賢大曆  
後峭壁刻名姓我來一何暮今秋始乘興山勢環有缺山  
門壺引柄乍挹清泚姿頗懽幽閑性味將春茗宜光與曉  
嵐煇架竹落僧厨遠聲入情磬何當宿禪室欹枕終夜聽  
飲多病骨換照久塵襟迥銷盡謫居愁無心治歸艇

白龍泉

岸：何鑿鑿：渤溟湧山脚含虛光可鑿倒影壁如削瀟漫  
到前溪支脉通遠壑白龍乃神物胡此戀一勺勢能為霖  
雨力可與雷電上天未有命茲焉縮頭角應防困螻蟻泥  
蟻詎敢躍蘊醢曾是憂養殊非樂亦如君子道出處貴  
先覺吾生苦遷謫未免郡政縛偶來泉畔坐感興題秋籀  
斗數纓上塵試就清漣濯聊將一掬水洗我面慙怍日暮  
不忍歸風埃滿城郭

明月溪

漲溪者為誰人骨皆已朽我來尋故跡溪流亂泉吼惜哉  
幽勝事盡落唐賢手唯餘舊時月團圓照山口

清風亭

茲亭廢已久厥址猶在哉清風為我起疑有精靈來神交  
念宮相臨砌傾一杯迴頭問黃菊寂寞與誰開

望日臺

荒臺隱層碧雲磴踰百尺攀蘿試一上依然有遺跡掌舒  
舊砌平屏卓諸峯直憑高聊寫望孤懷念鄉國長安不可  
見但對金烏赤傾盡葵藿心庶免浮雲隔

歸雲洞

碧洞何耽：呀然倚山根朝雲出如嘔暮雲歸如吞大塊  
氣不死茲為玄牝門怪石擁左右勢若驅虎蹲旁行數十  
步漆墨不可捫安得鞭燭龍為吾前馳奔尋盡神仙窟一  
一知其源

陽水篆

冷：庶子泉落：陽水筆雲氣勢崩垂龍地互蟠屈嶧山  
嶧山既劇滅石鼓又缺失唯茲數十字道勁倚雲窟模印  
徧華夷流傳耀緗帙書誠一藝爾小道詎可忽乃知出人  
事千古名不滅

垂藤蓋

古藤何樛蟠低蔭庶子泉童：若青蓋挂在絕壁前月穿  
波影碎露滴岸聲圓曉籠使君醉夜覆溪僧禪昔之好事  
者為作出偶然人亡藤已朽猶得聲名傳我欲移青松植  
向泉眼邊既圖歲月久復取節操全所為或一時所期或  
千年庶吾不朽名長與偃蓋懸

東門送郎吏行承寄音宋侍郎

西門送僕射鞍馬照路光南門送貳卿冠蓋遙相望東門

送郎吏艤舟隋堤傍是歲十一月十一日僕射呂相公赴西

十三日行赴徐州承旨侍郎皆為祖席之主郎吏誠隔品同直白玉堂文人况知

已振拔在舉場憐才惜我去深勸離別觴醉中不記事烟

水空茫：醒來聞鳴櫓嘔軋搖斜陽猶疑在禁中殘漏寒

了當迴望銀臺門五雲遮帝鄉聚散本如此升沉庸何傷

文人名位峻只欠登巖廊平居倦朝請高論思退藏圃田

有別業古木羅修篁艸亭寒蕭：池波碧決：嘗云拂袖

去可以傲羲皇文人果能爾識度非尋常安車比踈廣辟

毅如張良再拜願文人壽考仍康強自念山野士不鮮隨

蘇東坡集卷五  
四  
無所不備

小書集卷五  
四  
吾所齋補金  
圓方官途多齟齬身計頗悲涼行將解簪笏歸去事農桑  
幸容操杖履洒掃近丘塋

送林介

八年困名場萬里有慈親吟變閩越聲衣有京洛塵况復  
久相依知子文行淳不能致一第虛作金鑿臣昔予貶商  
洛相送遠涉溱今予謫滁上語別清淮濱途窮與道喪詎  
免同沾巾

北樓感事有序

唐朱崖李太尉衛公為滁州刺史作懷嵩樓  
取懷歸嵩洛之義也衛公自為之記其中述  
在翰林時同僚存沒且有白雞黃犬之歎頗

露知退之心及自滁徵拜再秉鈞軸卒以怙  
權賈禍貶死海州外則向之立言誠空文爾  
皇宋至道元年夏五月僕自翰林學士尚書  
禮部員外郎知制誥除工部郎中知滁州軍  
州事到郡之日訪衛公舊跡樓之與記皆莫  
知也而郡有北樓通刺史公署登眺終日  
甚亦自得作北樓感事以見志

北樓出林杪登覽開窈窕旁帶滁州城雉堞何逶迤下入刺

史宅却臨統軍池

並統軍鑿小池在樓下

伊予翰林客失職方在茲

兩衙簿領外盡日吟望時晚憲度急雨夏木交繁枝淮南  
氣候殊經秋嘒黃鸝簷前有山菓採掇亦甘滋樽中有官

醞傾酌任醇醪忘機得真趣懷古生遠思今昔李太尉落  
落邦家基下筆到西漢料兵如六奇謫官來此郡鬱々持  
一麾嘗作懷嵩樓記文悲盛衰甚得進退理深明禍福機  
未幾再入用斯言忽如遺君恩匪膠柱天殃若影隨六月  
萬里行炎荒竟不歸功成又名遂不退將安之姑以人事  
較忽憑天命推矧予草澤士被禍復羨藜謬因弄文翰八  
載侍丹墀三入承明廬古人期並馳玉堂百日罷所累非  
文詞強仕未為老望即不為卑淮邊永陽郡人物自熙々  
費用量所入豐約從其宜一妻本糟糠不識金翠施三男  
無庶孽詎愛紈綺貧甘貧絕誅求退易無羈縻五十擬歸  
耕何必懸車期且予望衛公雲龍與山麋唐賢昔際遇文

雅道光輝進士取將相易于俯拾碁自從五代來素風已  
陵遲干戈為政事茅土輸健兒儒冠筮仕者僅免寒與飢  
至今明聖代此風猶未移自無經濟術烏用碌：為歸歎  
復歸歎無忘北樓詩

送劉職方

罷直出玉堂詔授尚書郎朝僉假郡印承乏來永陽喜開  
黃紙書云替劉職方職方老狀頭疇昔名擅場官游三十  
載寸進鴛鴦行未出六品班鬚鬢已垂霜顧予新進生遭  
時恣翱翔綸闈與內署掌誥侍玉皇夜台赴浴殿春遊醉  
栢梁晚出銀臺門朝服含天香為儒能到此自道摩訶蒼  
今年四十二典郡清淮旁卧錦即位正腰金服色光見金

君深自媿撫己庸何傷古人重交代子孫不相忘西掖替

左司劉白形詩章劉夢得贈白公詩云蘇州刺史例能詩西掖今來替左司况我叅翰

林而君列文昌待將官與氏山寺題修篁共保不朽名他

年比甘棠昇沉何足道聚散安有常且當唱此詩為君送

離腸

感興

吾嘗入溪山谿谷寒且洩杉檜頗凌雲歲月自朽蠹般輸

目不見何由用斤斧東山大夫松中岳金雞樹秦政本獨

夫則天乃淫姬名號被常材所幸因顧一為木豈有命偶

然生要路誰取澗底松立作明堂柱

老態

笑

白髮不相饒秋水生鬢邊  
黑花最相親終日在眼前  
老態固具矣宦情信悠然  
唯當共心約收拾早歸田

官醞

為郡得官醞月給盈三斛  
地僻少使車時清罕留獄  
老大復遷謫吾懷頗幽獨  
婵娟樓上月爛漫池邊菊  
東院與西亭條々風弄竹  
對此不開樽騷人應慟哭  
獨酌入醉鄉陶然瞑雙目  
醒來成浩歎胡為事口腹  
彝酒書垂誠羣飲聖所裁  
漢文亦禁酒患在糜人穀  
自從孝武來用度常不足  
權酷奪人利取錢入官屋  
古今事相倍帝皇道難復  
吾無奈爾何更盡杯中綠

射弩

小書集卷三  
吾研齋補金  
暨張見舊史強弩亦古官如何壯夫事今作儒者歡罰郡  
在僻左時清政多閑戎裝命賓侶作此開愁顏吳弩號健  
捷僕夫為吾彎王侯廢已久畫紙為雕盤日暈生幾重挂  
壁何團：記籌鼓聲急中的酒量寬誠非軍旅事亦有堵  
墻觀安得十萬枝長驅過桑乾射彼老上庭奪取燕脂山  
不見一匈奴直抵瀚海還北方盡納款獻壽天可汗吾徒  
久不武干祿為飢寒所得纔升斗齷齪在朝班不如執戈  
士意氣登韓壇笑擁白玉妓醉駝黃金鞍即官一生俸供  
爾數月間儒將古所重料兵如轉丸誰知戴章甫終老弄  
辛酸偶因兒戲為痛念邊事艱臨風自慷慨素髮衝儒冠

黑裘

野蠶自成繭，繅絡為山紬。此物產何許，萊夷負海州。一端重數斤，裁染為吾裘。守異黑華楚，示儉非輕柔。燠香則無取，風雪曾何憂。朝可奉朝冠，帶衣以為衾。裋晏嬰三十年，庶幾跡相侔。季子苦貂弊，吾服仍為優。不恥狐貉者，亦當師仲由。况我屢遷謫，行將耕故丘。映髯垂霜頂，植枝昂鳩頭。袖寬可以舞，老農即為儔。紫綬掛君門，任爾爭封侯。

聞鴉有序

滁楚地也，郡堞之上，鴉鵲巢焉。秋冬永夕，鳴嘯不已。妻子驚詫，或終夜不寐，因作詩以喻之。且徵前賢放逐而聞是鳥者，摠而述云，以見吾志。

元精育萬彙羽族何茫：為怪有鷓鴣為瑞稱鳳皇鳳皇  
不時出未識五色章吾生在鄒魯風土殊遠方鳴鳩隨乳  
燕日夕巢我梁翩翩雜鳥雀穿屋率為常又從筮仕來五  
年居帝鄉更直入承明侍宴趨未央上林聞鶯囀巧舌如  
笙簧鷓鴣徒知名聞見實未嘗頃年謫商山聽之已悲涼  
今茲出內庭罰郡來永陽誰知爾鷓鴣營巢在城墻年加  
睡漸少秋盡滿且長鳴嘯殊不已歷：含微霜孺人泣我  
右稚子啼我傍吾心非達士詎免亦長：人生縱百歲忽  
若石火光其間有窮通幽昧難可量我愛臯與夔我冠虞  
舜堂簫韶聞九成丹穴來鏘：又愛闕與散陳力遇文王  
鸞鷲聽岐山多士周道昌嗟：漢賈誼年少謫南荒故有

鵬鳥賦倚伏理甚詳郇公暨鄴侯放逐同一邦夜深聞此

鳥韋公涕霑裳李侯舉酒令斯音非不祥坐客如不聞罰

之以巨觴遂使惡鳥聲聽之靡所傷天寶中韋郇公謫守

處士放逐因夜飲間鵙韋公泣下李侯曰此鳥人以為

惡其聲可聽乃令坐客有不聞此聲者罰以太白由是聽

之不贊皇貶素州懷鵙義亦減李太尉有乃知昔賢哲未

免亦悽遑况予不肖者冒寵登朝行報國惟直道謀身昧

周防四年兩度黜鬢髮已蒼：雖得五品官銷盡百鍊鋼

何當解印綬歸田謝膏梁教兒勤稼穡與妻甘糟糠鳳來

非我慶鴉集非吾殃優游盡天年身世俱可忘

甘菊冷淘

經年厭梁肉頗覺道氣渾孟春奉齋戒勅厨唯素飧淮南

地甚煖甘菊生籬根長芽觸土膏小葉弄晴暎采：忽盈

把洗去朝露痕俸麵新且細漉搗如玉墩隨刀落銀鏤煮

投寒泉益雜此青：色芳草敵蘭蓀一舉無子遺空媿越

盃存解衣露其腹稚子為我捫飽慙廣文鄭飢謝魯山元

廣文先生鉢不足元魯山餓而已死况吾草澤士藜藿供朝昏謬因事筆硯

名通金馬門官供政事食久直紫微垣知制誥給政事誰

言謫滌上吾族飽且温既無甘旨慶焉用品味繁子美重

槐葉直欲獻至尊事見杜工部起子有遺韵甫也可與言

霽雨中偶書所見

丙申二月七是夕月離畢春雲忽霽對春雨復蒙密綿：

殆三旬不見天上日謫官在淮甸幽抱常鬱：豈無瑯和

山泥濘不可出空庭唯蚯蚓得勢互蟠屈乘茲積陰氣小  
穴恣出沒山禽忽飛下長嘴啄深窟倒曳方力爭強吞遽  
全失食土與巢林上下非儔匹胡然罹此酷不能保微質  
嗟：彼羣小頗奪事匪一儀鳳去九夷神龍入泉室如何  
後吾眼瞻視此小物歸來因浩歎自悔成詩筆

唱山歌

滁民帶楚俗下俚同巴音歲稔又時安春來恣歌吟接臂  
轉若環聚首叢如林男女互相調其詞非奔淫修教不易  
俗吾亦弗之禁韻夜闌尚未闋其樂何惜：用此散楚兵  
予房謀計深乃知國家事成敗因人心

訓揚遂

楊君江左士文律何飄：人言未冠持作賦凌洞簫甲科

中南國江元及第通籍趨東朝入中國為贊善軾軻位不進陶潛還

折腰復為宰邑向蜀道崔蒲忽興祿官小力不支犇竄避

槍刀朝廷責守土黜入縣佐僚昨朝寫孤憤遺我有客謠

伊予亦左遷諷之心無慘人生一世間否泰安可逃姑問

道何如未必論卑高自古富貴者撩亂如藜蒿德業苟無

取未死名已消豈期顏子淵不朽在一瓢推此任窮達其

樂方陶：達則為鷓鴣窮則為鷓鴣垂天與巢林識分皆

逍遙

和楊遂賀雨

我罷內庭職出臨永陽民雖永陽民雖庶未免多飢貧富

之既無術覈：為謹身可堪今夏旱如燎復如焚厥田本  
塗泥坐見生埃氛稚老無所訴噉：望穹旻食祿憂人憂  
蚤夜眉不伸促決獄中囚徧禱境內神楚辭有山鬼廟貌  
羅水濱胡法有浮圖寺宇連城闔齋莊命寮案供給抽俸  
錢鼓笛迎秋水香花照金輪誠知非典故且慰早爍人偶  
與天雨會霽電四郊勻挿秧復終堰野叟何欣：可辨官  
賦調亦免農艱辛爰調賴時相感應由聖君子吾復何有  
敢望歌頌云清流楊水部德與我為隣仇香官位屈何遜  
詩格新見投賀雨篇言自人口聞夫君蓋私我過實豈相  
親為霖非我事職業唯詞臣若有民謠起當歌帝澤春庶  
使採詩官入奏助南薰

揚詩云願侯輯百  
福長與民為霖

小畜集卷五

二

吾石齋補金

王黃州小畜集卷第五

開化圖書館  
Kaihua Library

王黃州小畜集卷第六

古詩

揚州寒食贈屯田張負外成均吳博士同年

殿省柳丞

揚州池亭即事

一品孫鄭昱

鳳皇陂

月波樓詠懷有序

十月二十日作

雷

秋霖二首

真娘墓

遊虎丘

吳王墓

椒欖

為惡

揚州寒食贈屯田張負外成均吳博士同年殿

丞省柳丞

前年寒食節待詔直內庭休暇百官出獨掩深嚴局近侍  
不敢醉賜酒空滿餅開就通中枕時聞索上鈴思入無何  
鄉兀然欲忘形去年寒食日滌上黍專城山歌喧里巷春  
物媚池亭永陽溪水淥琅邪山色青謫宦自消遣不敢誇

獨醒往：取官醞時：對花傾醉來念身世翻使淚縱橫  
今年莅淮海時節又清明堆案有笥事聽歌無懽聲音徒  
費簿領使客煩送迎狴牢未空歌壇埭勞修營病衰力不  
支懶慢性已成虛花滿雙目素髮添幾莖酒肴略無味妓  
樂固難聽誰言寒食下終日取茶烹屯田布素交屈此閑  
市征昔年同應舉典衣飛巨觥博士東觀客求官得步兵  
況且丹陛前同為出谷鶯殿丞尹我邑桑梓復弟兄吏隱  
掌蹉茗終朝看道經三賢宴會少七夕什假并何不策我  
馬廢苑尋放螢何不蕩我舟樓基訪摘星三春景欲盡九  
曲波始平居然逼吏役頃此阻交情老態厭春乘病身憂  
身憂宿醒如水若不改藉糟亦胡寧解印蓄素志吟詩露

丹誠維揚非所愛有便即歸耕

揚州池亭即事

冥心閱群動亦各趨所安胡為名利人戚：常鮮歡吾生  
四十四結佩呼即官掌言入綸閣待詔直金鑿匪謂得祿  
少所嗟行道難前年謫除上憂畏雙鬢殘賴有琅邪溪時  
濯纓冠朝金徒淮海任重力易殫君恩詎可報感激涕汎  
瀾民瘼不能治惻隱情悲酸况復多病身名宦心已闌歸  
田未果決懷祿尚盤桓公退何所適池亭一凭欄旭日媚  
春卉微風生鳴湍呵澆勿挾彈留客不持竿用巢魚鳥馴  
熙：肆遊觀神仙未可學吏隱聊自寬孤吟刻幽石此義  
非考槃

一品孫鄭昱

卜葬得假告南出安上門鞭馬六十里暮投中書村：翁

館我宿茅屋欲黃昏有客忽投刺自稱一品孫氣貌不凡

俗因為開酒樽坐久問家謀其族大且繁池州有清節濫

觴登洪源鄭美天寶末攜家適于嵩少不受祿山為命由是有清名大曆中自尚書郎刺池州不任赴遂

贈司空嵩洛生五子網最知名美累大傳擅鴻筆入相又出

藩網元和中拜相又鎮嶺表終太子其家本開封改號一

何尊網為相時詔改宰輔至昱始六代布衣老丘樊網生

祇德之子曰顓大中朝尚主顓弟頊乾寧中太子太保頊

子嶠太子少詹事嶠子顓用一品孫補太廟齋郎顯德元

年終泌陽令顓子昱昱跨驢入府縣驅犢耕郊原家廟固

已毀國史空具存盛德百世者功必格乾坤高太已不祀

小畜集卷六  
三  
鳳皇集  
羨網何可論况復起章句乘時寵便蕃子孫雖替陵尚得  
守田園我愛三代時法度有深根卿大夫稱家世：奉蘋  
蘩四民有定分宦路無馳奔自從雜伯道傾奪日喧：脫  
未秉金錢吮華乘朱軒朝榮又暮辱容易如掌翻古道不  
可復頽波益以渾何况度木者倒置輪與轅我亦起白屋  
兩朝直紫垣蔭子有官常賞延弟與昆盡待食人祿將何  
報君恩農桑國之本孝義古所敦吾族不力穡終歲飽且  
溫雖非享富貴亦以蠹黎元唐元尚消歇我輩奚足言呼  
兒諷此詩播在箴與頌

鳳皇坡

次公治潁川仁政被一方神物不藏瑞茲焉集鳳皇在昔

奏簫韶舜庭來蹌。西伯有至化亦見鳴岐陽仲尼豈無  
德已矣空悲傷夫何刀筆吏而能致殊祥我來過荒陂煙  
草但蒼。緬懷漢循吏史筆恐未詳

月波樓咏懷有序

月波之名不知得于誰氏圖經故老皆無聞  
焉因作古詩一章凡六百八十字陷于樓壁  
庶使茲樓之名與詩不泯也

郡城無大小雉堞皆有樓其間著名者不過十數州吹簫  
事遼實仙跡難尋求庾公在九州江締構何風流謝守鎮  
宣城疊嶂名有由東陽敵八詠吾聞沈隱侯白雪架郢中  
調高難和訓黃鶴倚鶴渚仙去事悠悠。贊皇謫滁上作賦

懷嵩丘樓居出俗態澤國多勝遊好景不遇人安得名存

得齊安古郡廢移此清江頭築城隨山勢屈曲復環周茲

樓最軒豁曠望西北陬武昌地如掌天末入雙眸平遠無

林木一望同離婁山形如八字會合勢相勾東晉方士戴洋言武昌有

山無林山形八字勢不及九故孫權三國事既遠六朝名

亦休近從唐末來爭奪互仇讎斯樓備矢石此地控咽喉

終朝望烽燧連歲事戈矛可憐詩好景牢落無人收皇家

統萬國遠邇盡懷柔三聖四十年蕩文德修淮甸為內

地黃岡壓上游儒冠假郡印殘更若公郵况多辨職吏誰

肯恣吟謳伊余何為者竊慕騷人儔兩朝掌文翰十年侍

冕旒去歲出西掖謫居抱窮愁日江樓上風物得冥搜

何人名月波此義頗為優西南新桂魄初上懸玉鉤曉瀨  
清且淺漂蕩影沉浮三五金波滿夜光如暗投駟龍弄含  
珠晃朗照汀洲澹臺拔寶劍碎壁斬長虬冰輪曉入地推  
下赤金毬闌干四五星斜漢印清秋誰家上元燈兒戲劇  
微數此景吟不出謾使聲啣：千里畫圖闕四時詩興幽  
野花媚宮纈芳草鋪碧油火雲照沙浦暴雨傾瓦溝白乳  
蘆花散紅殷蓼穗稠簷冰垂若綆雪片大于鷗江籬煙漠  
漠官柳雨飈：舟子斜盪槳牧童倒騎牛水獺有時戲江  
豚頗能泗山鳥奏箏籟落霞展衾裯魚網雪離：酒旗風  
颺：旅懷雖自適詩物奈相尤右顧徐邈洞精靈知在否  
左瞰伍員廟荒隙令人羞樓中何所有官醞湛此蟪蛄林

留客坐琴調待僧抽橘苞鄰藥鼎詩筆間茶甌平生幽獨  
 寂寞誰獻酬官常已三常點懷抱羅百憂凭欄憶王榮望  
 闕同子年自甘成潦倒無復事聲猷身世喻泡幻衣冠如  
 贅瘤放意無何鄉誰分親與仇寓形朝籍中毀譽任啁啾  
 君恩無路報民瘼無術瘳唯慙戀祿俸未去耕田疇題詩  
 郡樓上含毫思夷猶功名非范蠡何必泛扁舟

十月二十日作是日甚寒始有冰

重衾又重茵蓋漫衰爛身中夜忽涕泗無復及吾親頃吏  
 殘漏歇吏報國忘晨凌旦駢馬出溪、薄溝、路傍飢凍  
 者顏色頗悲辛飽暖我不覺羞見黃州民昔賢終祿養往  
 徃歸隱淪誰教為妻子頭白走風塵修身與行道多媿古

時人

雷

商山春夏旱、雷不降雨及秋又霖霪雷聲時一舉南山  
復北山礧礧若贖虎君子容必變所以敬天怒無乃豐隆  
鬼恣意撾雷鼓此怒既非天敬之亦奚取

秋霖二首

秋霖過百日歲望終何如嘉穀就穗生茁、垂青鬚宿麥  
未入土火麥田多泥塗河濶不辨馬原高恐生魚時政苟  
云失生民亦何辜雨若是天淚天眼應已枯

其二

山雲百日雨山水十丈波田疇與道路一夕成江河巨石

大於瓦吹轉如蓬窠夏早既損麥秋源復無禾津梁盡傾  
壞商賈絕經過斗米二百金吾生將奈何安敢比夷齊愚  
聖不同科應如元魯山餓死深山阿元魯山居阻水絕食而死

### 真娘墓

女命在于色士命在于才無色無才者未死如塵灰虎丘  
真娘墓止是空土堆香魂與膩骨銷散隨黃埃何事千百  
年一名長在哉吳越多婦人死即藏山隈無色固無名丘  
冢空崔嵬唯此真娘墓客到情徘徊我是好名士為爾傾  
一杯我非好色者後人無相吟

### 遊虎丘

樂天曾守郡酷愛虎丘山一年十二度五馬來松關我今

方吏隱心在雲水間野性羣麋鹿忘機狎鷗鷗乘興即一  
到興盡復自還不知使君貴何似長官閑

### 吳王墓

惜哉吳王墓秦帝嘗開破應笑埋金玉十年賈餘禍不待  
虎迹銷已聞鮑車過又是駟山頭炎：三月火

### 橄欖

江東多果實橄欖稱珍奇北人將就食酒之先鬻眉皮核  
苦且澁歷口復弃遺良久有迴味始覺甘如飴我今何所  
喻：彼忠臣詞直道逆君耳斥逐投天涯世亂思其言噬  
臍焉能追寄語採詩官無輕橄欖詩

### 為惡

明時巧言士亂世佞倖即佞倖惟苟且巧言頗包藏為惡  
雖不同：歸于覆也

王黃州小畜集卷第六

開化圖書館

Kaichua library

開化圖書館

Kaichua library



開化圖書館

Kaishwa Library

開化圖書館

Wakana Library



小  
畜  
集  
  
一

開  
館  
圖  
書  
館  
Kashua library

開化圖書

Maikua Library



Inches 1 2 3 4 5 6 7

Centimetres 1 2 3 4 5 6 7 8 9 10 11 12 13 14 15 16 17

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color